

【经文信息】大正藏第 14 册 No. 0497

## 佛说摩诃迦叶度贫母经 1 卷

No. 497

### 佛说摩诃迦叶度贫母经

宋于阗国三藏求那跋陀罗译

闻如是：

一时，佛在舍卫国度于君民，与除馊众、菩萨大士、天、龙、鬼神、世间人民无央数，众会听经。

是时，摩诃迦叶独行教化到王舍城，常行大哀福于众生，舍诸豪富而从贫乞。摩诃迦叶时欲分卫：「若其未行先三昧正受，何所贫人吾当福之？」即入王舍大城之中，见一孤母，最甚贫困，在于街巷大粪聚中，傍凿粪聚以为岩窟，羸劣疾病常卧其中，孤单零丁无有衣食，便于岩窟施小篱以障五形。迦叶三昧知此人宿不植福是以今贫，知母寿命终日在近：「若吾不度，永失福堂。」

母时饥困，长者青衣而弃米汁，臭恶难言，母从乞之，即以破瓦盛着左右。摩诃迦叶到其所，祝愿言：「且多少施我，可得大福。」

尔时老母，即说偈言：

「举身得疾病，	孤穷安可言，
一国之最贫，	衣食不盖形。
世有不慈人，	尚见矜愍怜，
云何名慈哀，	而不知此厄？
普世之寒苦，	无过我之身，
愿见哀矜恕，	实不为仁惜。」

摩诃迦叶即答偈言：

「佛为三界尊，    吾备在其中，  
欲除汝饥贫，    是故从贫乞。  
若能减身口，    分铢以为施，  
长夜得解脱，    后生得豪富。」

尔时，老母重说偈言：

「实如仁所言，    生世无功德，  
今在粪窟中，    不净涂其身。  
饮食无分米，    羸形而不覆，  
如今之极贫，    施意与愿违。」

摩诃迦叶重说偈言：

「母说处不悦，    饥穷无以施，  
若其有施意，    此则不为贫。  
若复知惭羞，    此则着法衣，  
如母此二事，    衣食为备足。  
世有颠愚人，    俗衣宝谷多，  
无惭不念施，    计后此大贫。  
惶荒设福德，    可谓为希有，  
信哉罪福众，    至诚不虚说。」

尔时，老母闻偈欢喜，心念前日有臭米汁，欲以施之则不可饮，遥启迦叶：  
「哀我受不？」

摩诃迦叶答言：「大善！」

母即在窟匍匐取之，形体裸露不得持出，侧身偻体，篱上授与。迦叶受之，  
尊口祝愿：「使蒙福安。」

迦叶心念：「若吾赍去着余处饮之者，母则不信，谓吾弃之。」即于母前，  
饮讫荡钵，还着布囊中。

于是老母特复真信。迦叶自念：「当现神足，令此母人必获大安。」即没入  
地更在虚空，身出水火，半身以上现其水出，半身以下复现火出；又复变化  
改易，飞腾虚空，从其东出没于西方，南北亦尔。

时，母人见此踊跃，一心长跪遥视迦叶。迦叶告曰：「母今意中所愿何等，世间豪富、转轮圣王，及四天王、释梵诸天？若复欲得须陀洹、斯陀含、阿那含、阿罗汉、辟支佛？若复欲得阿耨多罗三藐三菩提、阿惟三佛者，悉可得果其愿。」

尔时，母人厌于世苦，闻天堂上审为快乐，即启迦叶：「愿以微福得生天上。」于是，迦叶忽然不现。老母数日寿终，即生第二忉利天上，威德巍巍，震动天地，光明挺特，譬如七日一时俱出照耀天宫。

释提桓因即自惊悸：「何所人者，福德感动，将无此间有胜吾者？」即以天眼观此天女福德使然。释提桓因即偈问言：

「此女从何来？  
譬如七大日，  
震动吾宫殿，  
本修何福德，  
大光明照耀，  
一时俱出现；  
威德难可当，  
得来升此天？」

是时，天女答帝释偈言：

「本在阎浮提，  
羸老兼疾病，  
三千大千土，  
次有大弟子，  
哀矜从母乞，  
贡其臭米汁，  
一心供福地，  
弃身粪窟中，  
粪窟不净中，  
衣食不充备。  
释迦文佛尊，  
名摩诃迦叶。  
说法我心欢，  
施少获愿多。  
愿欲生天上，  
来生忉利天。」

尔时，天女即自念言：「此之福报，缘其前世供养迦叶所致，假令当以天上珍宝种种百千施上迦叶，犹尚未报须臾之恩。」即将侍女持天香华忽然来下，于虚空中散迦叶上，然后来下五体投地。礼毕却住，叉手叹曰：

「大千国土，  
能闭罪门。  
为其贫母，  
贡上米潘，  
佛为特尊，  
昔在阎浮，  
开说真言。  
施如芥子，  
次有迦叶，  
粪窟之前，  
时母欢喜，  
获报如山。」

自致天女，封受自然，是故来下，  
归命福田。」

天女说已，即与侍从俱还天上。然后帝释心念：「此女于阎浮提臭恶之中，以其米汁供养迦叶乃致此福，迦叶大哀，但福劣家不及大姓，当作良策，于阎浮提诣迦叶所，兴设福佑。」

释提洹因即与天后，持百味食盛小瓶中，下诣王舍大城巷边作小陋屋，变其形状似于老人，身体瘠瘦偻行而步，公妻二人而共织席，自现贫穷乞人之状，不储饮食谷帛之具。

摩诃迦叶后行分卫，见此贫人而往乞食，公言：「至贫无有，如何？」迦叶祝愿：「良久不去。」

公言：「我等夫妻甚老，织席不暇，向乞少饭，适欲食之。闻仁慈德，但从贫乞欲以福之。今虽穷困，意自割捐以施贤者，审如所云令吾得福，天食之香非世所闻，若豫开瓶苾芬之香。」迦叶觉之，全不肯取。即言：「道人！弊食不多，钵来取之。」

迦叶钵取受祝愿：「施家其香普熏王舍大城及其国界。」迦叶即嫌其香无量，即便三昧思惟其本，方坐三昧，公及母还复释身，径疾飞去，空中弹指欢喜无量。迦叶思惟即知帝释化作老公，而为此变，欲增福祚。「吾今已受，不宜复还。」迦叶赞言：「善哉！帝释！种福无厌，忍此丑类，来下殖福，必获影报。」帝释及后倍复欣踊。是时，天上伎乐来迎，帝释到宫倍益欢喜。

佛告阿难：「此贫母人，一切世间无能及者，惠虽微少，福报甚多，以其苦厄兴至心故，致无量福，福应之报。释提桓因天上自恣，而舍豪尊来下殖福，获报难量，是以如来说檀第一。阎浮提人愚痴可矜，其如此比有少少耳，汝当广宣如来真言。」

佛说是时，天、龙、鬼神、四辈弟子、比丘僧，兴设大福而至达嚩，愿及众生，随其志愿，皆得果报。

佛说经已，一切众会莫不欣乐，稽首作礼。

## 佛说摩诃迦叶度贫母经

---

**【经文信息】** 大正藏第 14 册 No. 0497 佛说摩诃迦叶度贫母经

**【版本记录】** CBETA 电子佛典 Rev. 1.9 (Big5), 完成日期: 2009/04/23

**【编辑说明】** 本数据库由中华电子佛典协会 (CBETA) 依大正藏所编辑

**【原始数据】** 萧镇国大德提供, 维习安大德提供之高丽藏 CD 经文, 北美某大德提供, Jasmine 提供新式标点

**【其他事项】** 本数据库可自由免费流通, 详细内容请参阅 [【中华电子佛典协会数据库版权宣告】](#)

---